

麻城縣志卷二十一

耆舊第四

孝友

明

趙說性孝友以詩書教授生徒父母同日歿說號痛極哀負土成墳人或助工哭而辭之廬墓六年有二白鵲來巢馴繞墓門正統中旌表

府志

梁庠母病篤身不離榻衣不解帶者三載有古人所未為者里中稱為苦孝

舊志

麻城縣志

卷二十一 耆舊 孝友

一

周志生係遺腹母董氏卒志廬墓三載大府嘉其孝行錫以聯云母氏劬勞四紀孀居真節義子心純孝三年廬墓

繫綱常

府志

喻沿毛性中鄒學成夏思鎮俱割股救親喻廬墓三年
熊廷岱庠生母死廬墓三年萬曆甲戌知縣王三宅旌其
間墓在古城碑猶存人稱為孝子墳

府志

劉守蒙字文阿縣諸生莊襄公冢孫以恩廕讓其叔父深以世廕讓其弟守孚人以此稱其友讓以苦學天折士林惜之妻毛氏即文貞詳節孝傳

劉天簡號御華領鄉薦春官不第遂絕意仕進素以孝稱
父母歿廬墓三年鄉先輩爲之圖題贈甚多後人稱其地
爲孝子山子君顯亦以孝稱明季倡立雁門砦以禦流寇
曹石霞嘗爲之贊

邑人周禮劉孝子廬墓圖跋仁孝之事出乎天性然傳
之古人則信傳之今人則疑非君子之用心也有明啟
禎間吾邑東山有逸民馬號劉御華以廬墓之誠孝致
前輩諸鉅公先生多有題贈盈乎卷軸予不及見其人
而讀眾先生之交其古貌古心恍然得之筆墨之表今
其仲子劉君顯年已八十有五過我山齋出此卷相示
誠足觀感也君顯於八旬外甫生一子方及四歲則劉
氏一綫是天之所以報仁孝又孰謂善可爲而不可爲
也哉率書此於卷末以附諸先生之後時康熙二十八
年仲夏蝶園主人書於石橋草堂

麻城縣志

卷二十一

孝友

二

邑人曹應昌劉氏孝德圖贊劉氏孝德廬墓號烏誠分
天格淚與血枯爰立雁門保全億兆歷元徂明禍屏福
召厥裔君顯孝思若儼抱圖而祈金書玉檢我師徂征
謹然協聲惟爾劉氏孝門無驚我出爾守用念爾祖

國朝 孝友

顏時熙字次文父病篤以股救之而愈

通志

喻絳庠生家貧遊泮後教讀爲業兄弟雖析居所得修金均給諸弟

鄭遐昌東義洲人親歿廬墓三年素以孝著康熙乙未邑侯金廷襄親詣昌居獎以其孝可風額

劉汝林兄弟四人林居次各分爨汝林貿易遠方歸置田三十餘石將田及公共居屋盡與兄弟等再出外復獲利然後自營產屋其妻洪氏因夫外出晝夜紡績亦置田數畝見夫歸囊橐有餘遂以自所置田付祠堂作祭產人共稱林之友于洪之慕義焉

麻城縣志

卷二十一

孝友

三

鄒德智庠生生平廉潔退讓敦行孝友好古博學知縣吳顧行延爲學師生徒甚眾康熙戊戌以病卒年三十有二妻戴氏自縊以殉邑侯請以鄒德智從祀文昌閣并其夫婦節行詳請上憲贈文章節義額

何佐縣諸生家貧事母能孝甘旨罔缺每携子同戲以娛母授徒遠方念母輒徒步百餘里歸省無倦色母卒佐痛幾絕合葬父三會墓右天大雪夜半成冢佐不忍歸冢旁

止姑頭昏氏登樓取菊墜折肱恐貽姑感忍呻吟旋愈人謂孝以感孝云

胡有才家貧爲人傭工每得肥甘必攜歸就養母病割股和藥救之父衰老成寒疾才抱父足睡者六年卒後復廬墓

袁雪梅篤實區人事母孝母沒葬深山中雪梅廬墓三年雍正十一年知縣李作室贈匾旌之

張廷化父在乾有瘋顛疾往市恣取酒肉不給價而去之廷化自忍饑寒訪父飲食處如價付還毫無怨色凡二十

麻城縣志

卷二十一

耆舊孝友

五

餘年爲父故長齋拜斗祈疾愈聞者嘖嘖稱孝

歐陽鉉字南山至性純篤七歲失怙母病半載鉉奉事不離左右夜則號泣祈禱兩割股以進母尋愈童子何知孝愛根於天性也

尉賦字士朝父病羸性多躁急所欲皆先意順承病篤醫云便之甘苦可決生死賦每嘗試不以爲穢禱於神割股肉進父卒寢苦枕塊甘旨屏絕繞柩哀號者三年

商廷周村家農也甫十齡父歿母夏氏年五十撻風疾家貧爲人牧日得十錢資母食長傭工里左朝食母後出日

未盱而已侍側矣母既昏耄多得罪隣里廷周輒踵門涕泣請罪隣亦爲改容焉後母益衰夜患寒廷周先抱衾同寢解衣取溫厯二十餘年如一日母九十四歲卒其送終諸事悉如禮廷周今六十四歲言及其母未嘗不痛悼晞噓蓋其天性獨厚也

劉洪元劉禮遺之季子甫三歲父遠貿稍長詢知父遠出輒思慕欲往尋母以其幼堅止之已洪元成立卽慨然曰天下豈有無父之人乎老母既有兄侍養天涯海角我必往尋不得父誓不歸由蜀而黔而滇城縣村墟無不徧歷

麻城縣志

卷三

耆舊
孝友

六

至南徽關於店中殘簿見父名知父出關已久遂裹糧爾足冒險阻以往嘗一夕憩大樹下夢一老僧若爲指示迷途狀遲明遇老僧與夢符異而詢之僧告以其父所在如其言果見老叟操鄉音乃其父也跪稟曰大人安乎兒洪元至矣老叟矍然起呼洪元小字爾何由來此爾少患癩體有疤瘤試與捫之信因相持大慟然父初無歸志洪元朝夕泣請懇父交遊委曲勸諭始許束裝山路崎嶇負父以行五六十日抵水次賃舟東下踰兩月至家家人相對歔歔有如夢寐時雍正六年四月也禔遺歸年七十五在

外三十六年歸家五十日壽終

李重貴懸鐘區人齡餘喪母及長父死送歸山臥墓旁不起其兄糞汚臥地亦不起於是廬於墓側在深山茂林中絕不與世人往來三年畢因思已少失恃未盡子心復廬於母墓側食長齋服齊衰三年其後竟不歸娶將所得田產付其弟兄自攜錢十餘緡付懸鐘廟僧與之同淡泊終其身以報親恩重貴稍識字文理却不甚通而能篤於所生如此

鄒廷翼國學生性慷慨磊落母嘗有疾翼徧求良醫百藥

麻城縣志

卷二十一

耆舊孝友

七

罔效乃焚香告天割股食之而母疾遂愈後其父病亦如之蓋其計無所出委曲迫切之情有不能自己者

姚大志伯父琰與父坤友愛同居琰無子志事之如父素嬰痼疾志侍湯藥及卜禱備至未效乃割股和藥以進琰病遂愈

熊元璧字美盛國學生其母婁氏於雍正丁未年病甚時年已六十醫藥不愈元璧匍匐禱於神將左手股肉割以啖之母病遂痊至辛亥年母又病如前元璧再將右手股肉割以奉母母得無恙因享高年

程世和之子程秀因母患病已入膏肓百藥不效秀割股
煎湯以進母病遂愈越二十一年始卒

張志遠太史會謹之甥也弱冠苦心力學父病篤醫藥罔
效遠割股救之病乃痊竭力甘旨數十年如一日

儒童陳哲州同陳光裕之長子儒士陳文質之孫四齡失
恃聰慧過人事兩繼母以孝待異母弟俊傑尤友愛奮勉
讀書共期顯揚之孝小試屢拔前茅未及成名而病卒年
纔十九歲 均舊志

李法元監生事母以孝聞先意承志每出外雖深夜數十

麻城縣志

卷二十一

耆舊
孝友

八

里山徑叢險亦必歸未嘗一夕離母側宗族咸稱之道光
間母氏苦節得旌爲建坊於二里河區之南岡並捐置
祀田於側其坊崇大顯耀爲本鄉冠

余貽智字承源事嗣母李氏以孝稱母少年守節無子請
於族長爲立嗣然母性剛嚴又無資產他子弟莫肯爲後
者貽智重母苦節願嗣之母小不適卽盛怒怒輒偃卧不
食智跪榻前母起則起母食則食家人非智莫能承意旨
智元配汪卒慮繼娶者不能婉順承志遂不更娶立兄子
謨高爲嗣養母終身母年七十餘智近五旬跪榻前猶昔

也今智之孫曾讀書起家登賢書游庠序者甚眾人以爲節母孝子之報云兼詳節孝李母傳

五世同居熊鍾字允萬貢生父世城母陳氏繼母徐氏皆誠篤有隱德鄉里稱其賢鍾與妻李事之盡道弟五人監生鉉生員國珍聲亮鑠鑠皆有學行而家事一稟於鍾鍾亦身任其勞至老不倦一門之內雍雍如也蓋鍾之先世皆孝友廉讓伯叔昆季不異財者已五世矣鍾能守家風而益以誠謹溫裕子孫眾多鍾教育之皆恂恂率訓云

六世同居郭尙道康熙中其祖始遷居路口道兄弟三人

麻城縣志

卷二十一

耆舊孝友

九

兩兄繼歿子二姪六視姪猶子道光間同堂六世親丁合百餘口無閒言歲飢嘗買穀千石以救荒又於皖豫通衢修橋路甚夥丙申歲官紳上奉請 旌建坊

五世同堂熊之義字吉暉監生幼讀書以居積致富性儉樸而待里黨甚厚教子孫尤整肅咸同間親見曾元五代自先世以孝友相承代稱雍睦暉年八十餘猶聰健同治五年 欽差大臣將軍多隆阿統軍西征自江南來路經麻城熊居臨孔道暉率子姪孫曾數十輩以牛酒犒師躬迎道左將軍以爲知禮歡甚爲畱一宿席間樂與談農家

言臨行特解所服衣並自用羽扇一柄持贈以寵異之邑侯楊宗時題五世其昌額以贈其家累代皆享大年吉暉父文杰壽九十四母陳壽八十二暉壽九十一妻九十二卒時其長子亦將八十遠近稱爲善門

鄭焜鄭炳監生兄弟孝友四世同居尤好施與望花山爲南路通衢居民常苦里甲之役焜兄弟捐田以辦公區服感之泐石胡家涼亭以誌

任德紹幼失怙事母以孝聞母失明凡出入扶持必親歷久不怠宗里咸稱之母卒事叔母一如其母紹弟德昌嘗麻城縣志

卷二十一

老舊考友

十

於病暈時見二豎相持赴冥府適紹呼昌名豎驚曰孝子至矣遽釋之乃得蘇病亦旋愈

汪亮功事親以孝稱親歿廬墓三年後棄家人木子店定惠寺茹素持戒終其身

胡中桂拜郊區人咸豐間髮逆擾麻桂年十五異母兄名廷瑞被擄桂赴賊營易兄歸旋亦逃出同治間復聞賊警母金氏卧病居人奔散桂獨侍母不忍去賊亦不果來

李炬之父和春早歿遺腹生炬事母孝母卒廬墓三年監生陳啟順事孀母朱氏克全子道母老久病順不出戶

庭躬親湯藥寢食未嘗少離母卒登上壽

石陂區黃士華家貧母寡又久病華侍養罔懈母歿刺指血寫經爲母懺度子學乾行如其父

黃士旺石陂區人祖父年耄手足不仁旺善事之床褥污穢親爲湔洗絕無懈志旺歿後長子學瑞事寡母亦以孝聞

王其文家貧事親孝謹母陳氏癱瘓文親奉飲食藥餌穢溺亦自滌之十二年無倦色同治三年髦捻猝入境文侍母疾不去被殺母亦餓死

麻城縣志

卷二十一

耆舊孝友

十一

袁學順家甚貧同治初父客死漢中順聞之乞食往尋父尸中途聞警不得入仰天號哭因念老母乏食遂反年餘再往至興安聞歲飢人民相食又反壬申冬復欲往旅資無出徧求親友得錢十千冒風雪行幾兩月抵漢中訪葬父劉姓者適他往尋至鳳縣遇之告以處啟塚見殘骨痛絕復甦以囊負骨歸葬凡三往返計萬二千里其奉母尤竭力粵匪至負母逃難遇賊不屈受害人咸稱至孝
夏仕和事母孝母沈氏中年染疾不能行飲食溲溺皆藉和奉事無稍怠至歿喪葬盡禮後遇賊不屈死

王維盛仁美區貧民幼失怙傭工養親美食遺母傷父墓
孤夜常卧守母卒哭泣甚哀買棺暫厝遇人毀屋棄灰拾
積之春以葬

曹繼彬邑增生袁家河人性孝友家貧以所得束修養親
其餘分與兄弟同治癸亥遭賊難山路崎嶇負母匍匐行
被執至賊營寢食俱廢涕泣不絕賊問故告以思念父母
賊感其孝送之出營途遇風雨負病歸未幾卒

彭魁字殿元父泰來病篤魁親奉湯藥日夜不倦祈禱願
以身代寢食俱廢父歿魁廬墓涕泣不輟母金氏年九十
麻城縣志

卷二十一

考舊
孝友

三

餘親調甘旨必伺母食畢而後退母歿逢人論及事親或
講學至孝弟章必泣然流涕族里多化之
尹志福貧極雖隆冬以草蓆裹足乞食養母母老無齒嚼
而食之母病不能行常負之遊母八十餘卒福哀毀骨立
終身不忘

楊作棟監生占春之子同治癸亥二月父子被擄賊欲殺
棟父棟泣求代死賊怒曰汝欲活汝父非多金不可限一
二日汝不來吾卽殺之是夜賊放棟出時大風雨行至高
岸河遇督兵官王詢知賊情勸棟勿往棟泣曰父死於賊

棟何生爲遂冒鋒入賊曰汝來無多金豈謂吾不殺汝耶
棟曰情知必死但求勿傷吾父賊曰孝子也兩釋之

李銘生甫六歲其父躍龍病故卽能盡哀盡孝母阮氏苦
節撫孤年九十二而終銘時已七十矣孝養之誠數十年
如一日銘長子作舟溫清定省亦克先意承志次子巡檢
庭桂順事父母克友長兄夙夜奉公時行方便銘年八十
四卒大憲贈給孝友端方額至今人咸稱之

軍功周煥文汝王區人樸誠孝友母中染瘋疾飲食起居
不能自主文與弟武盡心調護五載如一日母病旋愈父

麻城縣志

卷二十一

耆舊
孝友

三

廷桂因屢試不售投筆應募未遂其志數年不歸文命弟
武奉母身往尋父武爭往由陝入川尋請父歸不從隨侍
數年父歿於潼川中江武淺塋於塋中藏以碑欲歸家鳩
貲往搬父櫬行至石泉而歿文聞耗痛絕奈母老難離至
同治元年母服闋文時六十三歲沿途乞食往川路逢賊
擄文泣訴其情賊憐而釋之至葬所哭尋數日忽一塚土
裂碑文現倩工發塚身負父骸轉經石泉搬弟骸同歸經
歷兩載計程萬餘里而文卒無恙鄉里皆謂其有神助
袁華祝監生成豐八年三月賊竄麻父茂梅病篤祝侍畱

不去次子文光三子文彥及老僕陳發元見華祝不行亦同守衛賊奄至華祝被執不屈賊殺之其子文光文彥及陳發元救護賊並殺之茂梅登時驚斃賊退鄰里歸見諸被賊戕者尸體多壞惟袁宅有二犬守卧尸側面皆如生趙錫璘幼事詩書同治甲子捻匪臨境戕及父母璘挺身以代璘被賊殺而父母得以保全時年五十三歲後數年子盈科入泮人皆憫其死而稱其孝行之報

張文蔚字敬輿至性過人器識深厚少從學於從兄文藻旋以家累棄舉子業畱心性理守主敬之說因以自號父

麻城縣志

卷二十一

耆舊
孝友

古

病且歿蔚自侍藥以至終事形銷骨立哀感鄰里母羅以宿恙忌葷蔚爲廢肉以禳母恙旋愈同治間粵寇猝逼蔚以羸弱書生負母入山行荆棘中無所苦見者咸訝適季弟天如罵賊遇害母哭至喪明蔚朝夕泣禱於神至三年後母目還光如昔人皆稱爲純孝之感云

李紹先貧爲傭母病告歸採樵易肉以啖母病劇紹先思割肝而不知其處禱於神夜忽自覩胸間新生一痣遂於痣處奏刀得之割少許昏絕於地旋甦和羹進母乃瘳數年後母無疾而終鄰里憐其貧公購材以殮黃岡謝孝廉

助以葬費先俱傭工以償之

程國梓庠生端謹士也祖鳴鶴父兆聯三世皆以割股療親梓善醫求者立往診毫不受謝

楊維合邊堰蘇人母病割股以進愈父病亦割股進又愈最後母病危復割股和藥罔效遂卒合哭絕而復甦

梅錦瑞義合區人天性純孝年十二母病割股以進旋愈壽至八十九而終

歐陽文城字意齋幼慧而孤事母至孝母病割股療之時年十四歲壯年落拓好奇遁入仙佛佯狂以死人咸惜之

麻城縣志

卷二十一

耆舊孝友

五

沈必達德義堡人兄必連友事維謹兄善病達凡三次割股救之皆愈

吳復燧例貢生幼失恃事父至孝父病篤割股以進尋瘳歿後居喪極哀廬墓三年嘗於墓側見遺金待其人還之鄭德芳幼孤事母至孝母病割股以救母夜夢神告曰爾祿已盡念爾子孝特延爾壽遂瘳

田克輝父如梓輝出爲叔如溶嗣梓病割股旋愈嗣母暨生母先後病輝均割股救之

程子春農家子性至孝年十七母病貧不能買藥割股以

進卽愈後母歿哀極幾死鄉里賢之

曾汝霖性至孝父病篤默禱天願以身代因割股肉以進乃瘳

丁朝紀母病禱天請以身代割股以進愈後紀病其子廷璘復割股救紀

白光政九品議敘事繼母能孝母梅氏病劇政割股和湯以進尋愈妻楊氏事庶姑郭亦能孝郭病危楊割股救之立愈

戴廷憲弟廷弼皆有至性咸豐戊午粵賊陷城時弼方幼

麻城縣志

卷二十一

耆舊孝友

共

憲攜之出甫及城門而賊已至俱為所擄兄弟爭死同語

賊以母年老無人奉侍請釋一人歸以養母賊義而並之釋

州同范在榜次子藍翎守脩世盛字耀廷咸豐丁巳割股救母病愈數載

黃開秦州同銜家猷子咸豐八年粵匪陷城秦以父柩在

家命子錦城護眷屬外出已與次弟開第同守柩前俱罵

賊不屈死錦城旋以尋父叔回城亦遇害孝義忠烈萃於

一門城有學行人尤惜之

唐啟棟本城人性至孝父雄遠貿卒於蜀棟年十三匍匐

赴川扶觀以歸途經諸險刻不忍離人以孝稱之

義行 義舉坊

... 以好善樂施本縣城內建萬壽寺助銀
... 縣北門外建南堂廟助銀二百兩穀
一百石... 義舉 斯為... 博亦最久

明

夏子文正... 大荒... 民間出穀賑飢文捐米千餘
石... 大夫... 建義民坊 補坊

喻儀字... 生以縣不通舟楫... 運兌甚為民苦...
麻城縣志

卷之十一 義行

歷二十四年儀呈請... 事奏准永改折色入一條鞭內徵

解今碑記尚存邑人推為義士

田可東字季川讀書靜退尚義好施曾有故人密寄千金

其人旋死十餘年俟其子成立還之封識如新鄉里以潛

德稱之 府志

周應嵩字子中號中嶽萬歷己丑進士... 祿卿宏祖之子

少穎悟過目成誦為人磊落不羈好施予父沒以所市易

田產還其主者無算... 置數十金於篋為同塾友盜去

家僮私啟友所緝金在焉... 屬緘如故置其處終身不言

其盛德事

南京國子監博士踰月得疾歸

卒

鮑時發諸生敦古處好施與歲歉散糶財捐粥濟餓三年不倦年六旬約僕焚契歸其財產人多德之

胡公國字爾定號彤廷崇禎庚午由人揀選知縣未任事繼母鄧氏朝夕不離左右鄧素多病公奉侍湯藥衣不解帶者經年睦鄉隣多義舉時值土寇猖狂建拜郊堡督丁男竭力捍禦保全數萬人監紀道賈同春縱兵剽掠地方苦之彤廷躬款經畧盧公象昇轅陳訴兵始輯

麻城縣志

卷二十一

耆舊義行

七

周楷字若庸邑諸生崇禎十年奉巡撫余建若邑西梅侯山變遺產備一方之急躬犯矢石卻賊全民十一年有賊犯砦以計擒賊頭目張靖徐槐等解縣巡撫宋臨驗功移咨禮部授河南商城教諭

蔡之瀾諸生好善樂施與本府許文岐爲世誼文岐陞下江防道駐蘄州適賊陷蘄被執不屈遂受刃公聞變冒死入賊背屍殮之親送文岐家鳴於巡按以殉難請賜祭葬賜太僕少卿子作楫年七歲被賊離散僕李文縱蕭文上負之逃遇賊將孤主藏匿俟賊過復負逃他處賊平送歸

禮祀賴以不絕雖二僕之義亦先世隱德之報也

劉仲輔自少仁恕婚之夕有偷兒入室驚視之乃素所識也輔曰汝以貧至此耶卽檢新人首飾數事給之囑令改行從善誓以不言其妻常問其人輔曰已許不言矣及輔歿有一族子觸棺痛哭其人頗有善行或疑其爲昔日偷兒蓋愧而改行者也

舊志

國朝

周長流字子謙號秋山康熙壬戌歲貢居縣河東河舊有官渡後改於高岸河渡遂缺流捐造義渡置庄田募渡夫

麻城縣志

卷二十一

者舊義行

九

卽名義渡區疊請祁趙各縣令批示豁免區內一切差役子階樹孫士适先是諸姪相繼沒皆有孀婦遺孤產盡廢流以己業撥給均分後捐建祠堂置祀田遠近祖墓撥田分祭併將各款彙冊請邑侯姜楠鈴印示後楠弁言於首曰人稟七尺軀內以治其家外有益於世乃不負皇天生我意耳濟川舟楫王政所關敦本恤孤家聲攸繫一一區畫周詳纖微悉至覩斯冊也六行其備矣乎今足以法後可以傳不獨周氏一家之訓余喜其有裨風教綴數言於簡端

李際盛江陵許錫祉表其堂爲六備堂云

李廷對太學生考授縣丞性醇厚居家尚樸闕戶教子有
友負千金貧不能償廷對不言且厚恤其家縣有捕盜者
誤殺七人適當事便詢力白其誣後果得真犯爲一族長
教子姓簡諱於孝弟長子對乾隆己亥以耆年 賜舉人
加學正銜三子華篤學力行文生高等食廩餼乾隆己酉
鄉試亦以耆年 賜副榜至壬子八十二歲尙觀光不倦
知府先福贈以額曰信安儒瑞生平樂善會於唐家壩捐
置義塚修道路橋梁施丹藥所全活甚眾有死而復甦者
性孝友雖自處淡泊於貧乏宗親必隨力周恤有從兄卒
麻城縣志

卷二十一

耆舊
義行

三

於廣東捐金令其子爲歸櫬計厯爲縣宰所禮重延主書
院凡修建鼓樓儒學荒歲經理賑粥多出其手孫輩亦有
遊庠食餼舉於鄉者人以爲貽謀甚遠云

張文楷字宜式監生少孤與兄縣庠文正相友愛竭力養
母性好施濟捐白塔河義渡人無病涉七十四歲知縣劉
希向行鄉飲禮延爲介賓贈以額曰德綿壽永

劉文泌性孝友爲人慷慨磊落言行不苟輕財賄樂施與
至老不衰有古人風歲歉米昂值有稻數百斛減價過半
濟貧乏資其生活者甚夥邑宰單言揚深嘉獎之詳請各

大憲贈以好義可風額至今猶存

劉朝驥諸生性厚重里中有李姓負逋身故子亡遺老嫗欲嫁兒婦償債朝驥急止之退還原券戊戌大饑鄰族乏食朝驥按月給米其逸行多類此

劉于周之子光表爲人端正好施鄉黨有忿難捐資排解咸稱其義焉

戴德彝字止齋廩膳生舉人珠之八世孫庠生後之子也讀書屬品著有孝弟忠信禮義廉恥字說以訓族人居屋田地捐作祀產邑人高之今三里橋戴氏卽其後裔

麻城縣志

卷二十一

耆舊義行

三

饒日虎順治間人好施濟解衣推食毫無吝色貧薄不繼妻彭氏脫釵釧並貸母家金以助

楊天佑字國安好善人也修砌道路出穀賑飢且平心接物翩然有古人風康熙中府尹徐惺題贈天下善士額程詹禮雍正時人年四十棄儒學醫遂精醫理見病卽治施藥不取值亦不受謝行之三十年活人無算

張一恆號平沙邑庠生歲飢出粟給鄉鄰貧餓者周數百戶邑侯丁公獎以品學楷世額

周士義性孝義父維春嘗病痢月餘親侍湯藥衣不解帶

臨危囑以族譜未竟遂捐貲以成父志歲凶貸以周急遇事排解不惜傾囊

金式亨字嘉會偶於河邊拾一囊內貯錢三千以沙覆而俟之旋有號泣來者公問故曰親將逝貸姊家錢以營棺因負姊渡河遺失亨挈囊還之又行市上見過客將五歲子售錢二千分手時相向慟哭公憐之如數給取使完聚歿時預知時日赴戚友作辭沐浴衣冠而逝

王士文字淑明性忠厚好排解嘗於黎明在路旁拾遺金百兩歸恐致人殞命急於各處懸帖招遺金者至慷慨與

麻城縣志

卷二十一

者舊義行

三

之有兩少年在門首毆鬪問係索欠卽解囊還之當時有正直公平王淑明之頌

鄭輝朝性淡定有王姓負欠未償反自焚其居而縱老母肆賴朝不與校爲葺其廬更資以錢穀其人悔且泣迎母而歸乾隆乙巳大禩有任姓乞糴於鄰不與朝廷至家給米數斗陰返其錢於米中任姓子孫至今猶感念不忘

李文啟居家孝友凡鄉里爭訟以誠心排解居恆以禮義訓人頑梗多爲所化素精醫不取利並施藥以濟人鄰里至今猶頌其惠

儒士劉湖幼業儒善演易其效如神後棄儒就賈居家孝友因母何氏病遂許施藥以求母愈而母病獲痊邑內服藥者病痊亦不可勝數遂施藥十年湖沒後其兄監生劉德源弟劉潤繼續施之至今不倦云

胡應瑞廩貢生例授嘉魚縣教諭生平義行甚多賑困乏捐祀田不一而足族中姪孫婦羅氏貧寡無依瑞按時給以錢穀且雇一婦爲之伴歷十數年羅之節賴以全

羅映奎字星垣廩貢生居喪勺飲不入哀感行路業師劉自健歿奎親理其後事少時赴郡試有魯男子之拒講學

麻城縣志

卷二十一

老舊義行

三

以宋儒爲宗嘗謂讀書必求諸躬行徒獵文采無益也門弟子成名者甚眾友人以非義相干者輒正色折之嘗渡河水漲舟覆多死者奎援樹得免後以明經授訓導未赴而終

蔡聲揚字宣臺生平慕魯連之爲人排難解紛少孤事母以孝聞伯兄廩生焯爲邑名宿聲揚謹事之至老不衰尤喜讀書子姪多所培植游庠序登賢書者相繼嘗督修學宮補葺城垣創建試院皆不憚勞而爲之倡邑侯董公應魁贈以仗義可風額並詳建置志

鮑芹堂字香巖好讀書博覽經史之暇兼涉獵醫筮勾股諸書遂精岐黃著有傷寒萃錦治病無論貧富概不取費或力不能延醫者自往診視且餽藥餌近村有兄弟皆鰥貧不能娶叩門告貸因慨然解囊不復取償兄弟遂得娶婦以延宗祊至今子孫不絕鄉鄰猶頌其德

以上義行

李經邦監生康熙六十年捐穀二百石入會林區東岳廟建倉貯積賑代鄉人賴之雍正元年知府蔣國祥贈以柱史流仁額

胡文坦字簡士躍龍子康熙甲午舉人揀選知縣未任居

麻城縣志

卷二十一

耆舊義行

十四

鄉積善適歲歉鄉里所借錢穀百餘券悉還之族黨爭訟輒勸息著有近思堂文稿

鮑珩字友韓附貢康熙戊戌冬珩令甲保於附近五區中計貧戶給穀十餘年樂施不倦雍正二年縣大飢穀昂貴珩復捐穀給貧民近村賴以生全雍正五年陰雨連綿穀不熟珩出穀減價闔縣蒙惠至今思之

蔡瑗生員雍正元年賑江西飢捐穀一千石制軍楊給以好義足風額知縣吳顧行給大善之門額免其徭役雍正二年捐橫河區社穀三百石太守蔣國祥及知縣吳顧行

給紫陽屏翰額

王國翼字以甯諸生文章宗先輩重然諾好施與康熙己未歲飢捐穀三百斛府丞翁義之書敦尙仁誼以旌焉吳晉爵有材畧國初邑東不靖時于清端公任岐亭同知督兵進勦爵助以僮佃千餘人平定後贈有勤勦允猷額又叛卒夏逢龍踞省城尙書趙環庵時爲邑令爵助義勇芻糧協守趙以保城功得陞遷臨別贈有延陵峻望額丁應運康熙間歲大飢戎府于清端公賑民至石河數日粟盡民猶襁負哀號公無策運慨然助穀數百石後公陞麻城縣志

卷二十一

者舊義行

三

黃州太守遣吏賫賜肩輿及二千石三字額並贈聯云兩斗粟青衿仗義二千石黃蓋增榮

鮑啟泮字思樂雍正癸卯舉人候選中書縣之典商向俱照月三分起息啟泮嫌利重乾隆二年出貲募商於城中設典息止照月二分各典照例俱減丁卯縣歉收米貴啟泮捐貲往漢鎮買米運至孫陳集減價出糶貧民賴之鄉里婦女守制者每歲給穀以堅其操其厚誼多類此

鮑啟江任陝西寶雞縣丞同主簿周基國捐養濟院田地共三石二斗二升坐落縣南門外五里墩三角湖等處地

方其田地畝數詳載養濟條

何世遂乾隆戊戌歲大飢罄藏賑濟粟盡出田十餘石貸人變賣全活甚眾

朱長衍乾隆八年捐田二十畝以濟公見王家樓街碑記夏懋明乾隆間於鹽田河馬墩捐茶田茶山作施茶費並投藥於茶以解暑疫遺命俾世世勿廢此舉曾孫光顯復捐田三斗

馬世科嘉慶二十一年於顓恩寺右建廟三重並捐田六斗祀文聖於中又捐義地於馬家均施棺木以葬路殣及麻城縣志

卷二十一 耆舊義行

美

近地之貧困者光山舉人方濟爲之傳

江萬年好施濟產僅中人嘉慶間連歲飢甚除罄已倉賑濟外借富戶倉穀百餘石以賑之又酌給流民資斧全活甚眾後鬻田七石以償所貸變產救荒至今人猶稱頌其義焉

羅公望慷慨好施捐義學於福田河街南顏曰培風書院並捐田數十頃延師課讀以養人材詳學校志書院其他捐廟田修街道尤不一而足

胡輝號映庭行二素好義自來典息三分輝減爲二分各

典咸遵其例貧民便之給練袁金溪言於學使王霞九獎以鄉評允洽額

鮑臨雲嘉慶二十三年捐闔邑文童府院試卷銀一千兩屈光遠全弟光達捐制錢一萬貫爲本邑文武鄉會試賓興又捐田百石立屈氏義庄義學教諭萬卓霜爲之記又重修文廟費錢萬餘緡碑在學宮兼詳學校志賓興劉錫齡道光甲申年捐闔邑縣試文童卷費至咸豐初家中落乃廢

屈占鰲派名文法道光己酉捐造宋埠乾沙河船橋庚戌麻城縣志

卷二十一

者舊義行

三

又捐錢二千串永爲修理義渡之費

胡楚材因縣南門外至沙河通衢每陰雨泥濘難行捐費砌石三十餘里行人便之王學使獎以譽洽鄉評額

劉長年捐錢生息爲邑中文鄉試卷費詳學校志賓興

聖子豐志是元身以厚如義每遇凶年戚族輒有周

卹咸豐六年旱災河南尤甚飢民流徙時守禮已沒其弟同子姪等捐萬餘金買米賑救全活數萬後屢賑飢共費三萬餘金並捐闔邑文童默寫聖諭卷費錢五百緡流賊掠麻相戒毋入羅善人門

吳志淳字春山敦本好義捐田二十一石有奇爲族中子弟讀書應試之資近宅小河與沙灣河兩處渡口捐造船橋並捐田一石餘爲補葺費又捐貲重刊四書朱註五經旁訓周禮節釋及諸善書

羅德振同姪啟迪遵父遺命同治壬申捐錢二千緡權子母爲閩邑鄉會試賓興費邑令鄭獎以孝義可風額

黃立廷道光咸豐間數年水荒買穀濟貧先後共五百餘石又於土城街捐建石橋已圯於同治間復建

羅元勛文樞長子廩生刑部主事樞所捐文會試賓興等

麻城縣志

卷二十一

耆舊義行

三八

事甚眾勛克承先志於光緒初復捐制錢千緡爲文會試資邑中始議捐辦學田勛慨然以田十石爲倡未及交而卒後家遭變其子弟仍如數捐給人以爲難

閻文準好施與妻王氏能順準意多所贊助道光間歲飢近村尤甚罄其所有買穀賑飢全活者一百二十餘人傅元煌爲人好義產僅中人咸豐間嘗奉母命捐田十石入本區以周鄰里又捐田二石入本族以濟宗姓之貧乏者

丁德庶嘗於城西騎驪舖捐建石橋又於萬家畝龍潭沖

鹿角尖等處各修石路數里

余秉圭治家儉約謹厚嚮義同治中嘗避寇外出歸於案上得抄錄方書一卷不知自來試之奇驗遂爲人診治兼施藥物求治者遠近集其門貧民感德尤眾又於居近山路絕峻處捐建茶亭行客憩此必誦其惠亭在東木子店地名六柯松

夏承志於橫河區捐建石橋又施茶田一石三斗翁三緒於落梅河麻羅交界之渡捐建長橋以利涉者民郭芹香年八十五歲與同里耆民李錦魁素以積德

麻城縣志

卷二十一

耆舊義行

五

向善相勸勉嘗同修水口寺培修官道魁又獨修野雞溝石橋修岐宋官道人皆便之

以上義舉

胡鼎三邑庠生童先桃郡庠生居同里少同學於詹曉村桃性迂直三尤慷慨任俠咸豐四年粵匪擾東鄉三等倡謀殺賊事詳大事記其時義聲播遠邇自後團防四起桃率勇隨許知府賡藻至蘄州勦賊又嘗主東鄉永清局與甘國楨等同心督練皆爲讀書好義之士

馮廷錚號海門喜結納不甚讀書遇事能持大體咸豐中合邑團練推錚爲首傾心讓能同事樂盡其用同治中事

平大吏奏請加廣學額以獎士民之輸將敵愾者部咨下
各州縣鎔首約諸紳遵章得請事詳學校志

羅克寬家素封輕財仗義咸同中督起團防籌費每先解
橐不計錙銖後督修白杲戍堡監理甚勤崇墉鞏固爲一
方保障時人至今稱頌

李克明字午峯武庠軍功保舉都司少倜儻善騎射咸豐
初粵亂作克明首奉邑令姚公諭督辦團練防勦均著戰
功自後與守局修築礮臺防守城垣諸軍務明之力居多
兼詳大事記

麻城縣志

卷二十一

耆舊
義行

三

李廷榮字向齋軍功保舉鹽提舉少有幹才以艱難起家
而急公好義善舉甚多咸豐初兵興榮同李克明等倡起
城防團練後復主與守局築礮樓加城堞辦軍裝設藥粥
疊次督勇協助防軍守城賴以安堵兼詳大事記

余光輔字芝亭軍功保舉州同生平喜排解樂施與以持
籌起家而輸將無所吝咸同間兵起督辦團防甚力首建
主福安定兩堡捐費不貲其他修建渡橋等事尤夥

梅玉丙同治甲子歲賊至有宋埠陳姓三幼女逃難至其
家丙年五十餘躬爲保護自餓以供三女賊退丙竟餓死

其子某送三女還家以終父志

龔志義幼爲人傭性樸實主人婦死遺二歲女義撫之如所生夏月耘野攜女以從以己衣藉女卧赤身曝烈日中雖極貧錢財毫不妄取

張士綬樂善好施每夜靜於親鄰貧困者濟以錢囑弗還遇危厄疾苦者恤之更甚

以上補增

